

Bosna i Hercegovina  
Federacija Bosne i Hercegovine  
**Bosansko - podrinjski kanton Goražde**  
MINISTARSTVO ZA SOCIJALNU POLITIKU,  
ZDRAVSTVO, RASELJENA LICA I IZBJEGLICE  
**Krizni štab**

U skladu sa odredbama Poslovnika o radu Kriznog štaba Ministarstva za socijalnu politiku, zdravstvo, raseljena lica i izbjeglice BPK Goražde, broj: 08-33-189-24/20 od 28.02.2020.godine, a postupajući po tački 35. Naredbe Kriznog štaba Federalnog ministarstva zdravstva, broj: 01-33-4278/20 od 23.07.2020. godine, koja se primjenjuje od 25.07.2020.godine, te s obzirom na pogorđšanu epidemiološku situacija u vezi pojave i širenja novog koronavirusa (COVID-19) i visoku incidencu oboljevanja kao i smrtnih slučajeva na području BPK Goražde, Krizni štab Ministarstva za socijalnu politiku, zdravstvo, raseljena lica i izbjeglice BPK Goražde na 22. sjednici održanoj dana 06.08.2020.godine, donosi sljedeću:

**N A R E D B U**

1. Dozvoljeno je okupljanje ljudi na određenom prostoru na području BPK Goražde pod sljedećim uvjetima:
  - ne više od 20 ljudi u zatvorenom prostoru,
  - ne više od 50 ljudi na otvorenom prostoru.

Sva okupljanja unutar navedenih ograničenja moraju se odvijati u prostoru koji omogućava obaveznu fizičku distancu od najmanje 2 metra između osoba (osim članova kućnog domaćinstva).

S ciljem smanjenja rizika od COVID-19, kao i zaštite ličnog zdravlja, za vrijeme okupljanja, potrebno je obavezno pridržavanje preporuka donijetih od strane Zavoda za javno zdravstvo u FBiH (higijensko-epidemioloških mjera). Za provođenje mjera na skupovima odgovorni su organizatori okupljanja. Organizator je dužan izvršiti prijavljivanje održavanja skupa u skladu sa propisima o javnom okupljanju, kao i Kriznom štabu Ministarstva za socijalnu politiku, zdravstvo, raseljena lica i izbjeglice BPK Goražde.

2. Dozvoljava se održavanje sportskih natjecanja, ali bez prisustva publike, uz obavezno pridržavanje preporuka donijetih od strane Zavoda za javno zdravstvo u Federaciji BiH (higijensko-epidemioloških mjera).
3. Dozvoljava se održavanje trenajnih procesa sportista svih sportskih klubova, uz obavezno pridržavanje preporuka donijetih od strane Zavoda za javno zdravstvo u Federaciji BiH (higijensko-epidemioloških mjera).

4. Naređuje se obavezno nošenje zaštitnih maski u zatvorenom i na otvorenom prostoru na području BPK Goražde, uz obavezno održavanje fizičke distance od 2 metra između osoba.
5. Zabranjuje se usluživanje nargila u svim objektima na području BPK Goražde.
6. Zbog nedostatka reagensa, a u cilju zaštite stanovništva od eventualno daljeg širenja koronavirusa na području BPK Goražde, zabranjuju se serološka testiranja u javnim i privatnim zdravstvenim ustanovama na području BPK Goražde, osim u slučaju medicinskih indikacija konstatovanih od strane nadležnog ljekara.
7. Naredba se donosi s rokom važenja od 15 dana, računajući od dana početka primjene ove Naredbe, izuzev tačke 6. Naredbe.
8. Ova naredba stupa na snagu danom donošenja, a primjenjivat će se od 07.08.2020.godine.

Broj: 08-33-189-949/20  
06.08.2020.godine  
G o r a ž d e

**Predsjedavajući Kriznog štaba  
i Ministar za socijalnu politiku,  
zdravstvo, raseljena lica i  
izbjeglice BPK Goražde**

Eniz Halilović